

Broj: 02D-5678-9/23

Datum: 19.06.2023. godine

Na osnovu odredbi člana 69. stav (1) tačka b) i stav (2) tačka d) Zakona o javnim nabavkama („Službeni glasnik BiH“, broj 39/14, 59/22), na Preporuku o poništenju postupka nabavke, broj: 02D-5678-7/23 od 12.06.2023. godine, u postupku javne nabavke – **Oglasnici**, direktor Javne ustanove Opća bolnica „Prim. dr. Abdulah Nakaš“, donio je

ODLUKU
o poništenju postupka javne nabavke

Član 1.

Poništava se postupak javne nabavke usluga: Oglasnici, jer je jedina zaprimljena ponuda ponuđača JP NIO SLUŽBENI LIST BIH neprihvatljiva.

Član 2.

Ova Odluka objavit će se na internet stranici Javne ustanove Opća bolnica „Prim. dr. Abdulah Nakaš“ (www.obs.ba), istovremeno sa upućivanjem ponuđaču koji je učestvovao u postupku javne nabavke, u skladu sa odredbama člana 70. stav (6) Zakona o javnim nabavkama („Službeni glasnik BiH“, broj 39/14, 59/22).

Član 3.

Ova Odluka stupa na snagu danom donošenja, i dostavlja se ponuđaču koji je učestvovao u postupku javne nabavke, u skladu sa odredbama člana 71. stav (2) Zakona o javnim nabavkama („Službeni glasnik BiH“, broj 39/14, 59/22).

Obrazloženje

Postupak javne nabavke pokrenut je Odlukom o pokretanju postupka javne nabavke, broj: 02D-5678-1/23 od 15.05.2023. godine. Javna nabavka je sprovedena putem konkurentskog zahtjeva za dostavu ponuda, JN-21/23. Procijenjena vrijednost javne nabavke bez PDV-a je 25.000,00 KM.

Obavještenje o nabavci, broj: 1125-7-2-135-3-92/23, objavljeno je na Portalu javnih nabavki dana 16.05.2023. godine. Sažetak Obavještenja o nabavci objavljen je u Službenom Glasniku BiH, broj: 35/23 dana 19.05.2023. godine.

Ispravka Obavještenja o nabavci, broj: 1125-7-2-135-8-106/23, objavljeno je na Portalu javnih nabavki dana 29.05.2023. godine. Sažetak Obavještenja o nabavci objavljen je u Službenom Glasniku BiH, broj: 40/23 dana 07.06.2023. godine.

Komisija za nabavku, imenovana je Rješenjem, broj: 02D-5678-2/23 od 15.05.2023. godine.

Komisija za javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Zapisnik o pregledu i ocjeni ponuda, broj: 02D-5678-6/23 od 12.06.2023. godine, Preporuku o poništenju postupka nabavke, broj: 02D-5678-7/23 od 12.06.2023. godine i Izvještaj o radu, broj: 02D-5678-8/23 od 12.06.2023. godine, u postupku javne nabavke usluga – Oglasnici.

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku blagovremeno zaprimljena 1 ponuda,
- da nije bilo neblagovremeno zaprimljenih ponuda;

Ponuda ponuđača: JP NIO SLUŽBENI LIST BIH se odbacuje kao neprihvatljiva u skladu sa odredbama člana 68. stav (4) tačka i) Zakona o javnim nabavkama („Službeni Glasnik BiH“ broj 39/14, 59/22), jer ponuda ponuđača nije potpuna i ne ispunjava zahtjeve iz tenderske dokumentacije, iz sljedećih razloga:

- Ponuđač je odvojeno od svoje ponude dostavio odgovarajući dokaz koji izdaje banka ponuđača ili Centralna banka BiH, u skladu sa pozitivnim propisima, a kojim se dokazuje ispunjenje navedenog uslova da je transakcijski bankarski račun ponuđača aktivan.
 - Ponuđač nije dostavio kopiju ponude kako je traženo odjeljkom d) PODACI O PONUDI, 1) Sadržaj ponude i način izrade ponude na stranici 11. Tenderske dokumentacije.
 - Ponuda nije čvrsto uvezana (ponuda ukoričena u knjigu ili ponuda osigurana jamstvenikom) i stranice ponude nisu numerirane kako je traženo odjeljkom d) PODACI O PONUDI, Način izrade ponude na stranici 12. Tenderske dokumentacije.
- Na koverti ponude nije naznačen evidencijski broj nabavke, naznaka „ne otvaraj“, te koverta nije ovjerena pečatom ponuđača kako je traženo odjeljkom d) PODACI O PONUDI, 2) Način dostave ponude na stranici 13. Tenderske dokumentacije.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije. Nadalje, u postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku. U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama, podzakonskim i internim aktima i tenderskim dokumentom.

Obzirom da je za predmetnu nabavku pristigla jedna ponuda ponuđača JP NIO SLUŽBENI LIST BIH, a koja je neprihvatljiva za Ugovorni organ, poništava se predmetni postupak u skladu sa odredbama člana 69. stav (2) tačka d) Zakona o javnim nabavkama („Službeni glasnik BiH“, broj 39/14, 59/22).

Iz navedenih razloga, primjenom odredbi člana 69. stav (1) tačka b) i stav (2) tačka d) Zakona o javnim nabavkama („Službeni glasnik BiH“, broj 39/14, 59/22), odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

Javna ustanova Opća bolnica „Prim. dr. Abdulah Nakaš“, Kranjčevićeva broj 12, 71000 Sarajevo. Žalba se podnosi u najmanje 3 (tri) primjerka.

Pripremila:


Aldijana Ećo, BA prava, službenik za javne nabavke

Kontrolisala:

Amira Petrović, BA općeg prava, šef Odsjeka za javne nabavke

Dostaviti:

- Ponuđaču: JP NIO SLUŽBENI LIST BIH
- Odjeljenje za ekonomsko – finansijske poslove
- Odsjek za javne nabavke
- Komisija za javne nabavke



Dr. R. Ipetanović